

# Jodikdik ro Rejmour



## Abnōnō ko

Jodikdik ro ilo Oregon rej aikuj jibañ im rōjañ ilo aer eddek im rūttolok ilo wāween ko emmon ñan ejmour. Im bareinwōt ñan imōn jokwe ko ejellok uwōta im ewōr ej jibañ er, rej aikuj jikuul ko rej lelok kein jerbak ko rekkar, kein kajinet im ien ko ñan aer ejmour. Jodikdik ro rej aikuj rikaki, rikabilok, im jukjukinbed ko ewōr rūtto ro rej jibañ er im rej jen bar aelon ko aer.

Ilo ibelakin Oregon, rijikuul ro rej Rikilmej ruo alen lablok aer maron lelok katak kin mūtōn ko rejab emmon im elablok jen ruo alen aer maron jejbaan ak baer jen jikuul. Wāween ko rekōmman uwōta rej aikuj oktak im kōkkāāl. Madmōd eo ej lale jejjetin jimwe kin bōd im ien roñjak, im ejab kōtōbar in lelok katak ko jen mokta, emaron kōkmanmanlok jemlok ko ñan jodikdik im kōlablok joñan rikadiwōjlok.

## Wāween ko ñan Kajimwe

Bebe ko ñan lale kalijeklok ko ilo jikuul ko im ñan kōkmanmanlok ejmour im lomnak ko an ajiri ekoba:

- Kabōjrak oktak ko ajiri im jodikdik ro rekilmej, Armij ro lukkun aer bwidej ko, armij ro rejab mouj kilier im American Indian/Alaska Native people (BIPOC-AI/AN) ilo jikuul kin lelok katak in kaminene an rikaki, lale melele ko im bar lale ibben rikaki, rikōmadmōd ro an jikuul im jikuul ko

- Lolorjak im jibañ aoleb bukōn ko an jikuul ñan kōjejjet kūtien likio in jelālokjen ikijen ejmour ilo kilaaj ko an K-12

Jelālokjen im mejatoto in jikuul ko remmon rej wāween ko raurok ñan lelok kapeel ñan jodikdik ro rejmour. Ejmour Ibben Doon (Healthier Together Oregon, HTO) ej bukōt wāween an lelok jerbak in jibañ ko rej kōmadmōd ikijen manit im kajin, lelok melele kin uwōta ko emōk iooni, jibañ ko ikijen ejmour in mūtoñ ko eloñ joñaer im jibañ ko ñan aoleb ajiri im baamle.

HTO ej tiljek ilo an kōlablok ien roñjak im lale jejjetin jimwe kin kakien ko rebōd ilo jikuul ko. Aurok in lale kalijeklok ko iomwin kakien im jolok kalijeklok ko ilo imōn jikuul im rej jelōte ajiri im jodikdik ro rej BIPOC-AI/AN.

Ñan kōlablok lelok ejmour im ainemmon ñan ajiri in Oregon, HTO ej bukōt wāween ko ñan kōlablok an ajiri ro maron bōk kakōlkōlin ejmour ko ñan bōbrae jen nañinmij im ejmour in ni ilo imōn jikuul ko.




# HTO: Juon Bebe in Kōmmene Juon Oregon eo Emmonlok

Ejmour Ibben Doon (Healthier Together Oregon, HTO) ej juon kein jermal eo ekajur ñan kōkmanmanlok an ejellok kalijeklok ñan aoleb armij in Oregon. Einwōt an kar COVID-19 lukkun kalikar, ejab joñan wōt juon an aoleb armij maron mour ilo aer jab nañinmij. Armij ro rejab mouj kilier, armij ro edik kolla ko aer, armij ro rej kalikar rej LGBTQ+, rilikin ro emōj aer emakūt ñan aelon eo im ro emōj aer jool jen aelon ko aer, armij ro ewōr aer utamwe im ro rej jokwe ilo jikin ko rettolok ilo state eo rej ioone abañ ko ebwe aer elab kin kalijeklok ko ilo jikin ko armij rej bed im mennin aikuj ko emōj likūt im rej jelōt ejmour ko an armij.

Kinke ejmour im ainemmon ko an armij rej ekkar ñan eloñ men ko, HTO ej kalikar eloñ bebe ko roktak, im ilo ien aer lale im kōjejjēt kūtien ibben doon, remaron kōkmanmanlok mour ko an aoleb ro rej jokwe ijin.

HTO ear jutak ñan kōjellā kin Bebe in Kōkmanmanlok Ejmour ko an Armij ro ilo Jukjukinbed im bareinwōt

aurok, burokraam, im joortoklik ko an opij im doulul ko. Ej kabok eloñ jikin ko roktak im rej jermal ibbeir jen jikin ko roktak im rej bar tiljek kin kōtōbar kein raurok. Jikin kein ekoba jibañ in ejmour, ritel ro rej kelet, jikin jermal ro, armij ro rej lelok jibañ, ial in ito tak, kōjermal bwidej im bebe, jikin ejmour ko an state, bwij, im jukjukinbed, jimwe kin ruprup kakien im kabin kakien, doulul ko rej bed ilo jukjukinbed, doulul ko an kabuñ, ro rej lelok jermal in jibañ ikijen imōn jokwe im ñan armij im jelālokjen.



## Jermal Ibbamim

Kim ej kajeoñ in kobalok ibben ro jet rej tiljek in kōkmanmanlok an ejellok kalijeklok kin ejmour ilo Oregon. Ñan melele ko relablok ak ñan kebaak kim:



### WEBSITE

[healthiertogetheroregon.org](http://healthiertogetheroregon.org)



### EMAIL

[publichealth.policy@state.or.us](mailto:publichealth.policy@state.or.us)



### KOBATŌK ILO AM JUON JIKIN EO JENAJ JERMAL IBBEN DOON

[healthiertogetheroregon.org/potential-partner](http://healthiertogetheroregon.org/potential-partner)



### YOUTUBE

[bit.ly/3jvkuAE](https://bit.ly/3jvkuAE)



**Healthier Together Oregon**

[healthiertogetheroregon.org](http://healthiertogetheroregon.org)

*Juon kōtōbar an Oregon Health Authority*